



史忠正公集卷四

維揚史氏後裔刻

楚醴景萊書室校刊

雜著

甲申討李賊布告天下檄

維崇禎十七年四月朔日南京參贊機務兵部尚書史可法等謹以宗社危情生民至計布告普天臣子嘗被今天子十七年之鴻庥迄高皇帝三百祀之陰騭者其言曰竊聞遭朝有道類多以文事之盛而詘武功邁嘗非常正可以國恩之洪而徵臣

史忠正公集

卷四

檄

節故天寶亂而常山雒陽之事香靖康靡而宗澤李綱之氣烈彼皆慝從上作釁可預知然且鐵骨錚錚與艮嶽之峰而并厲義氣發發撥雲霓之奏以爭鳴况休命篤於上天明德光乎良史有若本朝者乎力掃陰霾二祖之宏謨號同盤古治崇寬節累朝之熙洽象擬華胥乃至今上特興德勳益備孝廟之溫恭儼在世宗之神武重光當沖齡而掃恭顯之氛立清官府於石對而發龔黃之嘆總爲編氓以寇起而用兵是虐民者寇也而兵非得已以兵興而派餉是糜餉者兵也而餉非自私顧猶詔願有再累吾民之語每當天災修省無一時自逸之心誌

膳布袍履能以天下之心而忘己之病黜適宥罪不難引
之過以就正之名是宜大業之宏昌何意諸艱之駢集理誠莫
解事有可陳思爲蒼生而得入土之張羅者誠廣責以赤心
報主下之曰矢者難言家家有半閒之堂事事同小兒之戲身
能功名比曹武惠詎妨好官之得錢竟無肝膽似漢淮陰曾念
一人之推食世俗大都爾爾賢者一併悠悠壅蔽實繁擔當何
狀圖之不早病已成於養癰局尙可爲涉必窮於滅頂悲夫悲
夫邊塵未息冠焰旋騰血濺天潢烽傳陵寢秦稱天府誰能封
以一丸晉有霸圖無復追其三駕乃者介馬橫馳夫畿輔羽書

史忠正公集

卷四

檄

二

不絕於殿庭南北之耗莫通河山之險盡失天威不測極知漢
天子自有神靈兵勢無常豈能謝太傅但憑歌嘯畱都係四方
之率司馬有九伐之經義不共天行將指日克襄大舉端賴同
讐請無分宦遊無分家食或世貴如王謝或族盛若金張或子
虛之以資起或輓輅之以談興乃至射策孝廉明經文學亦往
往各班國士橐爲里雄合無各杼壯猷各團義旅仗不需於武
庫糗無壅於郇廚飛附大軍力爭一決但羣策直承黃鉞豈賊
運得有白頭醜類立殲普天大誦此則萬代之所瞻仰惟九廟
爲之鑒臨者也倘策未暇夫卽戎必義日先於助餉多或抵小

國之...
物亦曹洪之馬是求各付有司轉輸畱計此則專靡...
爲豪至登壘巨商聯田富室若與縉紳并舉亦自分誼有殊然
使平準法行卽陽翟之雄豈能居其奇貨又如手貨令在將處
士之號未可保其素封凡稱多算之有餘總賴聖恩之無外欲
與共爲義士多方則賴同盟徧植佳緣無忘善誘譬若同舟之
誼但凡在千八百國疇非王臣揆諸恤緯之心決不至四十二
城遂無男子嗚呼視郊乃雍容之事唐莊尙有崇韜出塞本僥
倖之圖漢武乃逢卜式矧此何日敢曰無徒不惟社稷之憂卽

史忠正公集

卷四

檄

三

是身家之算始賊之巧於爲餌時亦有優孟之仁迨我之旣入
其樊莫不櫻地獄之罰齊姜朱子相牽而入平康珠戶綺窗所
過便成甌脫來俊臣之刑具則公卿之被拷者痛嘗鄭安國之
畫圖與老弱之受傷者酷肖是皆難民所說足令聽者寒心夫
連歲報陷如五臺太原武昌等處皆行省也其中金穴何止一
家牙籤正不勝紀若六時之牛酒不乏雖八公之草木可驅只
坐一慳遂成胥溺豈不寃哉欲圖穩著須問前車誠清夜而念
正恩雖何曾之萬錢有難下咽更援古以籌時象豈王衍之三
窟便可藏身同舟卽一家破巢無完卵可不思之思之又重思

之也哉法等智不足以効謀憤何辭於卽死實切執爰之願
通托鉢之呼人理苟存我求必遂如或纏情阿堵絕念封疆誰
陽之援竟停則霽雲抽誓言之矢荊州之粟獨擁則溫嶠有迴
指之旗封章尙達於北辰奮筆敢鴛於南史所爲過計亦屬癡
衷見起君親約昭天日法等無任斫地呼天捶心泣血之至謹
檄

祭左忠毅公文

維崇禎乙亥冬之仲月門生史可法奉命整飭安池駐節江上
悵望皖公知大中丞左師藏靈於皖山之麓松鶴書院因不勝

史忠正公集

卷四

祭文

四

嗚咽特卜於十二日以剛鬣柔毛清酌庶品之儀拜於墓側而
奠之曰嗚呼吾師生平著作獨取法於韓蘇報國孤忠嘗自方
於陳竇文章氣節蓋海內正人君子所共宗也天啟乙丑觸忤
權璫羣小朋構而下緹騎之詔法卽爲師涕淚之無從矣迨躡
桐封聞師之太翁哭師之孝師之伯氏叔氏哭師之弟師之嗣
世哭師之慈門以內哭師之義亞旅臧獲哭師之仁以至族閭
姻婭哭師之嫻睦朋儕居游哭師之任卹甚而通邑之知與不
知莫不哭師之忠而被誘直而受誣一時天地且爲師哀道出
岳且爲師崩頽風雲日爲師變色而拜旨時駭局卷卷其整

髮裂眦欲得闔室而甘心焉曾幾何時九五當陽冰山鎔
主昭其血碧舉國式其幽丹聲名光史冊貞珉賁巖阿鄒
所振猶使虺伏狐摧至今不敢躑躅於冰霜之漸則師之死費
於生遠矣更何恫乎雖然法之哭師痛師者至今日猶戚戚也
蓋師素擅文名更稱冰鑑當其提衡冀北八郡羣空法甫弱冠
亦隨行逐隊步諸生後聲名固寂如也師不以爲不才而拔之
以冠八郡且謂法曰爾當於卯辰脫穎去維時法未之信不虞
兩試暴腮采以卯辰售也從來文字遇合有奇焉如此者乎且
師之於法固不第文字之知己也又因法貧甚而館之宦邸中

史忠正公集

卷四

祭文

五

每遇公餘卽懸榻以俟相與抵掌時事辨論古今不啻家人父
子之歡猶憶逆璫陷師於獄一時長安搖手相戒無往視者法
不忍以逆倖故而避之微服過從一慰痛楚師見而輦蹙曰爾
胡爲乎來哉唯恐夏馥之載禍相餉也瀕危若是而尙慮以相
知見累師眞師而父母矣濡首深思每懷靡及竊願他日得一
第或可少酬知遇而今幸奉簡書勞勞皖國正所謂志士酬知
之會也師乃高臥松楸徒懸總帳華表之鶴不返龍門之月空
明法所以一睨龍山鳳石而忽不禁血淚之盈盈也師之嗣世
皆血汗神駒早暮閒卽飛黃騰達大忠貞之報埏埴固無所事

像社而祝之於文公朱邑之閒里之好義者當饒爲之又不得
法之嗷嗷也鬱鬱此懷何以自達惟有引清泉拊白石擗踊以
歌之曰泰山其頽吾將安仰梁木其壞哲人其萎吾將安放也
已矣

祭廬州殉難官紳士民文

勒碑六安州學署

維崇禎十五年歲在壬午孟冬辛亥月越祭日癸卯欽命總督
漕運提督軍務巡撫鳳陽等處兼理海防戶部右侍郎兼都察
院右都御史史可法謹以牲醴香楮之儀致祭於廬州府通判

史忠正公集

卷四

祭文

六

鶴天趙君興基翰林編修吉雲胡君守恒南京光祿寺卿靖符
錢君策雲南布政司參政畸人程君楷原任南京旗手衛總司
趙君之璞廬州衛經歷鄭君元壽崇明把總金君玉度六安衛
指揮喬君允遷千戶張君國政巢縣典史韓君思義府屬諸生
江君源洞黃君中理耆民劉鈗等之靈曰嗚呼今夏賊陷龍舒
暨於郡城無巢六霍諸州邑後先俱失余聞報淮上悲憤不欲
生已乃搯腕呼天訴之曰余實不德其官紳士民何罪而乃堪
此厄也傷已九月予竣事於輜挽之役策馬西征目擊荒草迷
途烟炊斷絕遺骸匝地怨氣凝纏嗟哉死者不可紀極而生者

殘肢斷脛同於人彘之形抑更悲矣憶昔予之禦寇安廬也馬
首所及諸生迎於郊百姓迎於路賢士大夫候於庭相與勵師
徒畫籌策修守具備餼糧若同舟之遇風同室之助門家人骨
肉之誼何其肫然而今已矣奉簡書而治兵者虛擁纛牙遺羞
巾幗視秦庭之哭耳如不聞而援絕力窮城頭慘死乃在郡佐
之大夫衛幕之散員豈不慟哉守土之吏印纍纍綬若若平日
苛政如虎不以百姓爲心一旦賊薄城下手足無措相與抱頭
鼠竄視民城如敝屣然而奮不顧身手刃賊衆整冠危坐誓死
不移乃在鄉士大夫二三烈弁豈不慟哉又不然則平日號爲

史忠正公集

卷四

祭文

七

賢紳以海內清流自負論長持短不難居是邦而非大夫意其
臨難不知如何激烈乃束手就縛長跪乞哀叩幾千百首倖全
其就木餘生爲節義名卿之辱而登陴固守城破之日視死如
歸竟在守禮之子矜饑窮之黎庶豈不慟哉予爲諸公慟士民
慟而幾無以自解也爲之請於朝如趙君之死於城頭也或以
爲酒醉或以爲疎防予爲之辯雪而凜凜大節乃暴著於天地
謂意趙君之死無憾矣如太史胡君勳卿錢君大參程君旗總
憲君等或以爲激變或以爲死遲予爲之辯雪而凜凜大節乃
暴著於天地謂意諸君之死無憾矣如諸生江源洞等耆民劉

死不一人死不一地即不能走九原問其姓名要皆櫻
刃而不悔甯玉碎無瓦全以視他人之偷生究與草木同腐着
一管霄壤然則諸生士民之烈烈而死亦何憾乎而予又何憾
予所慟者昊天不憖降此荼毒上不能矯箭控弦竭綿力於
義上受事之日滅此朝食次之兩淮督運不能決樽俎分符轉
戰有獻俘斬馘之功下之不能周歷郡縣嬰城固守爲父老子
弟謀保聚數者無一遂碌碌取容而波頽瀾倒於半載之內嗟
嗟尚何言哉尚何言哉雖然予之罪大矣重矣而予之心何嘗
不共白也羸衣躍馬念止在民仗鉞臨戎惟力是視諸公士民

忠正公集

卷四

祭文

八

尚鑒茲哉予用是益自悲矣溝壑者烈士之志馬革者臣子之
心異日天子下璽書祀明堂銘鐘鼎生有顯業死有榮名爲諸
公者可以揚揚地下矣獨是千百萬億之士民或蹈水火或殞
刀兵或轉溝壑之區或粉戎馬之足遠近畢至大小率從今西
望固陵東眺姥山南憑治父之衢北極毛公之域淒風飄發黃
雲四垂陰焰冥迷青燐滿目予之慟將何時而已也所願生爲
怨苦之人死則化爲厲鬼以助予前驅翦爾仇讐也予有心爾
能忖度予有言爾能聽取苟可以聽予之言度予之心亦可以
惠然與諸公共歆予之享矣

任北道學院左大宗師立朝勁節昭昭人皆莫不

如洗二萬懸坐在逆璫原以株連赤族之法巧寓追贖而郡

台不敢於風波震撼之中偶露矜恤將累世所遺積俸所置

族席捲同宗歷盡敲呼之苦僅得十分之七士紳戒心

獲貴戚厭志於前來路盡途窮只得向朝不保夕之周親

內補瘡之義貸隱忍當日屈指今朝目今皇仁浩蕩雖邀

之虛名而恩債浮沈仍受喪家之實禍立世兄謝恩此

京邸進不敢陳乞聖明退無以施顏貧戚不惟入口待命

忠正公集

卷四

啟

九

亦復衆姓嗷嗷傾家之德難忘活命之恩忍負麥舟大義豈讓
旁觀道義交情正屬我輩祈諸兄道兄弔先師於既往敬愛如
生助賢嗣於窮途樂周不倦願出者自書姓名單到時轉相告
語臨啟不勝懇切祈望之至

乞閒詠序

魏公六岳詩成於解府事之後者也故題曰乞閒其章亂曰不
堪回憶處昨日未閒身予讀之慨然昔范龍圖尊顯用事白髮
憂邊因憶與周道士王逸人輩聞笛圭峯之壘至爲沾襟曰彼
吹笛生何其遠也以范公所嘆合魏公所詠其未閒念閒古今

元老之閒其道益不可言漢建武以吏事責三公功臣率不任
職蟬貂鐘鼎之列一時多閒人矣然史言膠東侯復剛直多大
節及以侯就第惟闔門養威重夫威重之臣豈國家可少哉蓋
帝用侯於四方孰與用侯於闔門且珍寶者山陵挾以為重較
龍者江海挾以為威威與重政以恒在人耳目之外吏為侯以
闔門兩字真為妙於下語故元老大人之用莫要於能簡以對
洽驚坐孟公置驛鄭莊正爾日劇場中一大藥公固令代之
東耶至其詩感慨時艱睠懷宗國一片天真浮動毫楮間之

史忠正公集卷四

序

十

又不足以盡之若學者但解憶圭峯笛聲尋岳陽樓記便是
如此詩

詩

六安署病中感懷

待理猶煩苦抱疴公餘側枕奈如何民饑由已嗟艱食兵悍逢
人欲弄戈撫字無能先布德催科甯忍復為苛白雲支瘁燕山
下手誰憐妙劑多

憶母 晴省兵白洋河

之南兒在淮之北相逢殺夢中牽衣言且哭

家不面母思尺猶千里磯頭灑清淚滴滴沈江底

送管誠齋少宗伯同年歸里

千秋老落潮初一神秦淮碧玉葉獨向新亭揮淚別汀濱

管管夷吾

偶成

逸興豪情豈易降試評今古有誰雙近來學待持雕訣鎮日無

言獨對江

四書文

史忠正公集

卷四

詩

上

子曰若聖與仁則吾豈敢抑為之不厭誨人不倦則謂

云爾已矣公西華曰正唯弟子不能學也

聖人不欲終聖仁之統而與弟子共留之焉蓋聖仁以夫子為
終而非以為誨術之將弟子而後更誰學之乎嘗聞能受人益
易無受天損難是故全乎人不若全乎天然而全乎天曷若全
乎已天下事必自我操之則四海無功不自我深之則百年無
學聖人如此以己之學救弟子之窮即以弟子之學救聖人之
窮由此道也若夫子非當世所共尊聖仁而願學之者哉聖
仁之統雖以夫子為終而學人之修實以夫子為始使其尊聖

而南云處焉無論凡庸退避將疑絕學之窮或極學力攀援究
致統緒之絕夫子所以觀一身觀天下而急以爲誨爲弟子告
就聖仁之欲竟者借爲誨以續之而至極之理始不卽於孤
且聖仁之已見者得爲誨以新之而日變之途愈莫窮其致是
言從謝聖仁之名而退然不勝也哉極神化於一往則願想所
至卽是他人爭赴之階而化遵途於不知則過續相生亦誰不
在變通之內夫子固曰吾與天下後世相質於無窮者此豈敢
一念云爾今試靜而思焉乃知聖仁之事雖經屢遷而志力終
於無已卽聖仁之人不必相接而幾希自可相尋此豈敢一念
日往月來則羣聖之氣得一人鼓唱而統緒可尊也且百世之
心從吾黨遍啟而隱微俱動也公西華能無爽然於學之不能
也哉得其所謂不能者則人也我也聖仁也爲誨也俱往復於
無端而聖仁之統其不自夫子而終也久矣

爲天下得人者謂之仁

溥其心於天下仁三所對獨弊也夫爲天下得人則已合天下
爲一心矣以是而謂仁夫何歉乎且大人以一心開天下之失
則必統天下於元德而後開闢之功萬世無偶焉故天以其本
託之君君以其本託之人亦其元氣之神淪有不得而破者

史忠正公集

卷四

制藝

十一

哉迨於今中天已邈才運已湮而天下咸謂仁后焉亦其爲天
下之心有獨至也天下渾備一仁而苦於莫剖自有人以疏之
而人物之界始各安於生成之位而不干其和人又各載一仁
而虞其莫滙有得人者以統之而朝野之神始渾聚於綱緼之
天而不滲其象聖主之視其身也原非已有故耳目之官各有
所寄而又非爲一己之耳目也直并幽陬之四聰四明合參
消長之分數而謂天之精靈固已公之於萬姓也夫仁莫大於
公天下而轉給者其渺已聖主之視其人也原非憑運故心膺

史忠正公集

卷四

制藝

十三

之寄確有所鍾而又非爲一己之心膺也直翕含生之疴癢瘁
榮遍給以澍漉之生趣而統天之鈞鑄固已再造於羣蒙也夫
仁莫神於這天下而澁潤者其粗已蓋高靈之性命統聚於一
二人而後民物繁生不妨各乘其害氣此造化之妙於仁也心
乎天下者已於疇咨之內借萬靈之性命而嘘則施濟之奇不
動於聲色也渾乎生機之浩蕩而已矣庶類之天心總會於作
人之人而後氣數遷流不妨遞構其險阻此天下之化於仁也
存心得人者獨舉川岳之靈憑庶類之天心而造則大生之柄
不屬之乾坤也曩然元氣之獨闢而已矣是回生人者與天而

其行者在

故才運通而貴死之氣已得得人者與人而

與仁直在茲

故平成雖逸而如天之宇常寬則通天下為一

仁而六人之事畢矣

史忠正公集

卷四

制藝

古



而六人之事畢矣

其行者在

史忠正公集卷四終

史忠正公集卷末

附錄

明史本傳

史可法字憲之大興籍祥符人世錦衣百戶祖應元舉於鄉官黃平知州有惠政語其子從質曰我家必昌從質妻尹氏有身夢文天祥入其舍生可法以孝聞舉崇禎元年進士授西安府推官稍遷戶部主事歷員外郎郎中八年遷右參議分守池州

史忠正公集

卷末

本傳

一

太平其秋總理侍郎盧象昇大舉討賊改可法副使分巡安慶池州監江北諸軍黃梅賊掠宿松潛山太湖將犯安慶可法追擊之潛山天堂寨明年祖寬破賊滁州賊走河南十二月賊馬守應合羅汝才李萬慶自鄖陽東下可法馳駐太湖扼其衝十年正月賊從閒道突安慶石碑尋移桐城參將潘可大擊走賊賊復爲廬鳳軍所扼回桐城掠四境知縣陳爾銘嬰城守可法與可大勦捕賊走廬江犯潛山可法與左良玉敗之楓香驛賊乃竄潛山太湖山中三月可大及副將程龍敗沒於宿松賊分其黨擡天動別爲一營而合八營二十餘萬衆分屯桐城之練

憲大代以王家禎祖寬關外兵亦北歸未幾上復以熊文燦化
家禎專撫賊賊益狂逞盤牙江西南都震驚七月擢可法右僉
都御史巡撫安慶廬州太平池州四府及河南之光州光山固
始羅田湖廣之蘄州廣濟黃梅江西之德化湖口諸縣提督軍
務設額兵萬人賊已東陷和州含山定遠六合犯天長盱眙趨
河南可法奏免被災田租冬部將汪雲鳳敗賊潛山京軍復連
破老回回舒城廬江賊遁入山時監軍僉事湯開遠善擊賊可

史忠正公集

卷末

本傳

二

法東西馳禦賊稍稍避其鋒十一年夏以平賊踰期戴罪立功
可法短小精悍面黑目爍爍有光廉信與下均勞苦軍行士不
飽不先食未授衣不先禦以故得士死力連敗賊英山六合順
天王乞降十二年夏丁外艱去服闋起戶部右侍郎兼右僉都
御史代朱大典總督漕運巡撫鳳陽淮安揚州劾罷督糧道三
人增設漕儲道一人大濟南河漕政大釐拜南京兵部尙書參
贊機務因武備久弛奏行更新八事十七年四月朔聞賊犯闕
遣師勤王渡江抵浦口聞北都既陷縞衣發喪會南都議立君
慎言呂大器姜曰廣等曰福王由崧神宗孫也倫序當立

月七不可合深淵酒不事

于京有司也淵王常

宗姪也賢明當立移牒可法可法亦以爲然鳳陽總督馬士

天爵與阮大鍼計議主立福王咨可法可法以七不可告之而

可法已與黃得功劉良佐劉澤清高傑發兵送福王至儀真於

是日可法等迎王五月朔王謁孝陵奉先殿出居內守備府羣臣

入朝王色赧欲避可法曰王母避宜正受既朝議戰守可法曰

王宜素服郊次發師北征示天下以必報讐之義王唯唯明日

再朝出議監國事張愼言曰國虛無人可遂卽大位可法曰太

子存亡未卜倘南來若何誠意伯劉孔昭曰今日既定誰敢復

史忠正公集

卷末

本傳

三

夏可法曰徐之乃退又明日王監國廷推閣臣衆舉可法高宏

憲姜曰廣孔昭攘臂欲并列衆以本朝無勳臣入閣例退之孔

昭勃然曰卽我不可馬士英何不可乃并推士英又議起廢推

鄭三俊劉宗周徐石麒孔昭舉大鍼可法曰先帝欽定逆案毋

復言越二日拜可法禮部尙書兼東閣大學士與士英宏圖并

命可法仍掌兵部事士英仍督師鳳陽乃定京營制如北都故

爭侍衛及錦衣衛諸軍悉入伍操練錦衣東西兩司房及南北

兩鎮撫司官不備設以杜告密安人心當是時士英旦夕冀入

京及命下大怒以可法七不可書奏之王而擁兵入覲拜表卽

行可法遂請督師出鎮淮陽十五日王卽位明日可法陞辭加太子太保改兵部尙書武英殿大學士士英卽以是日入直議分江北爲四鎮東平伯劉澤清轄淮海駐淮北經理山東一路總兵官高傑轄徐泗駐泗水經理開歸一路總兵官劉良佐轄鳳壽駐臨淮經理陳杞一路靖南伯黃得功轄滁和駐廬州經理光固一路可法啟行卽遣使訪大行帝后梓宮及太子二王所在奉命祭告泗鳳二陵可法去士英孔昭輩益無所憚孔昭以慎言舉吳姓譁殿上拔刀逐慎言可法馳疏解孔昭卒扼姓不用可法祭二陵旱上疏曰陛下踐祚初祇謁孝陵哭泣盡哀

史忠正公集

卷末

本傳

四

道路感動若躬謁二陵親見鳳泗蒿萊滿目雞犬無聲當益悲憤願慎終如始處深宮廣廈則思東北諸陵魂魄之未安享玉食大庖則思東北諸陵麥飯之無展膺圖受籙則念先帝之集木馭朽何以忽遘危亡早朝晏罷則念先帝之克儉克勤何以卒隳大業戰兢惕厲無時怠荒二祖列宗將默佑中興若晏處東南不思遠畧賢奸無辨威斷不靈老成投簪豪傑裹足祖宗懇恫天命潛移東南一隅未可保也王嘉答之得功澤清傑爭欲駐揚州傑先至大殺掠屍橫野城中恟懼登陴守傑攻之浹

不納良佐軍亦被攻朝命可法往解

得功良佐澤清皆聽命乃誦傑素懼可法可法來傑夜擲以
千百埋暴骸旦日朝可法帳中辭色俱變汗浹背可法坦懷待
之接偏裨以溫語傑大喜過望然傑亦自是易可法用己甲士
防衛文檄必取視而後行可法夷然爲具蔬屯其衆於瓜州傑
又大喜傑去揚州以安可法乃開府揚州六月

大清兵擊敗賊李自成自成棄京師西走青州諸郡縣爭殺僞官
據城自保可法請頒監國登極二詔慰山東河北軍民心開禮
賢館招四方才智以監紀推官應廷吉領其事八月出巡淮安
閱澤清士馬返揚州請餉爲進取資士英斯不發可法疏趣之

史忠正公集

卷末

本傳

五

因言邇者人才日耗仕途日淆由各心勝而實意不修議論多
而成功少今事勢更非昔比必專主討賊復讐舍籌兵籌餉無
議論舍治兵治餉無人才有撫拾浮談巧營華要者罰無赦王
優詔答之初可法虞傑跋扈駐得功儀真防之九月朔得功傑
構兵曲在傑賴可法調劑事得解北都降賊諸臣南還可法言
諸臣原籍北土者宜令赴吏兵二部錄用否則恐絕其南歸之
心又言北都之變凡屬臣子皆有罪在北者應從死豈在南者
非人臣卽臣可法謬典南樞臣士英叨任鳳督未能悉東南甲
疾趨北授鎮臣澤清傑以兵力不支折而南走是首應重論者

爭罪也。八因聖明繼統缺域未加恩榮曼被而獨於在北諸臣毛髮而概繩之豈散秩閒曹責反重於南樞鳳督哉宜摘罪狀顯善者重懲示儆若僞命未汚身被刑辱可置勿問其逃避北方徘徊而後至者許戴罪討賊赴臣軍前酌用廷議并從之。梁居揚州桀驁甚可法開誠布公導以君臣大義傑大感悟奉。約東十月傑帥師北征可法赴清江浦遣官屯田開封爲經畧中原計諸鎮分汛地自王家營而北至宿遷最衝要可法自任之築壘緣河南岸十一月四日舟次鶴鎮謀報我

清兵入宿遷可法進至白洋河令總兵官劉肇基往援

史忠正公集

卷末

本傳

六

大清兵還攻邳州肇基復援之相持半月而解時自成旣走陝西猶未滅可法請頒討賊詔書言自三月以來大讐在目一矢未加昔晉之東也其君臣日圖中原而僅保江左宋之南也其君臣盡力楚蜀而僅保臨安蓋偏安者恢復之退步未有志在偏安而遽能自立者也大變之初黔黎灑泣紳士悲哀猶有朝氣今則兵驕餉絀文恬武嬉頓成暮氣矣河上之防百未經理人心不肅威令不行復讐之師不聞及關陝討賊之詔不聞達燕齊君父之讐置諸膜外夫我卽卑宮非食嘗膽臥薪聚才智精

且合方州物力破釜沈舟尙虞無救以臣觀廟堂謀

董曰執事經營殊未盡然夫將所以能克敵者氣也君所以能
禦將者志也廟堂志不奮則行開氣不鼓夏少康不忘出寶之
辱漢光武不忘燕薪之時臣願陛下爲少康光武不願左右在
位僅以晉元宋高之說進也先皇帝死於賊恭皇帝亦死於賊
此千古未有之痛也在北諸臣死節者無多在南諸臣討賊者
復少此千古未有之恥也庶民之家父兄被殺尙思穴胸斷脛
得而甘心現在朝廷顧可漠置臣願陛下速發討賊之詔責臣
與諸鎮悉簡精銳直指秦關懸上爵以待有功假便宜而責成
效絲綸之布痛切淋漓庶海內忠臣義士聞而感憤也國家邁

史忠正公集

卷末

本傳

七

此大變陛下嗣登大寶與先朝不同諸臣但有罪之當誅曾無
功之足錄今恩外加恩未已武臣腰玉名器濫觴自後宜慎重
務以節祿待有功庶猛將武夫有所激厲兵行最苦無糧搜括
旣不可行勸輸亦難爲繼請將不急之工程可已之繁費朝夕
之燕衍左右之進獻一切報罷卽事關典禮亦宜概從節省蓋
誠一言未滅卽有深宮曲房錦衣玉食豈能安享必刻刻在復
舊言恥振舉朝之精神萃萬方之物力盡并於選將練兵一事
人心可鼓天意可回可法每繕疏循環諷誦聲淚俱下聞者
無不感泣比

大清兵已下邳宿可法飛章報士英謂人曰渠欲敘防河將士功耳慢弗省而諸鎮遂巡無進師意且數相攻明年是爲

大清順治之二年正月餉缺諸軍皆饑頃之河上告警詔良佐得功率師扼潁壽傑進兵歸徐傑至睢州爲許定國所殺部下兵大亂屠唯考近二百里殆盡變聞可法流涕頓足嘆曰中原不可爲矣遂如徐州以總兵李本身爲提督統傑兵本身者傑甥也以胡茂順爲督師中軍李成棟爲徐州總兵諸將各分地又立傑子元爵爲世子請恤於朝軍乃定傑軍既還於是大梁以南皆不守士英忌可法威名加故中允衛允文兵部右侍郎總

史忠正公集

卷末

本傳

八

督興平軍以奪可法權允文傑同鄉也陷賊南還傑請爲已監軍傑死允文承士英旨疏謂可法士英喜故有是命駐揚州二月可法還揚州未至得功來襲興平軍城中大懼可法遣官講解乃引去時大兵已取山東河南北逼淮南四月朔可法移軍駐泗州護祖陵將行左良玉稱兵犯闕召可法入援渡江抵燕子磯得功已敗良玉軍可法乃趨天長檄諸將救盱眙俄報盱眙已降

大清泗州援將侯方巖全軍沒可法一日夜奔還揚州訛傳定國兵將至穢高氏部曲城中人悉斬闕出舟楫一空可法檄各鎮

兵無一至者二十日

大清兵大至屯班竹園明日總兵李棲鳳監軍副使高彪鳳拔營出降城中勢益單諸文武分陣拒守舊城西門險要可法自守之作書寄母妻且曰死葬我高皇帝陵側越二日

大清兵薄城下礮擊城西北隅城遂破可法自刎不殊一參將擁可法出小東門遂被執可法大呼曰我史督師也遂殺之揚州知府任民育同知曲從直王纘爵江都知縣周志畏羅伏龍兩淮鹽運使楊振熙監餉知縣吳道正江都縣丞王志端賞功副將汪思誠幕客盧渭等皆死可法初以定策功加少保兼太子

史忠正公集

卷末

本傳

九

太保以太后至加少傅兼太子太傅敍江北戰功加少師兼太子太師禽劇盜程繼孔功加太傅皆力辭不允後以宮殿成加太師力辭乃允可法爲督師行不張蓋食不重味夏不楚冬不裘寢不解衣年四十餘無子其妻欲置妾太息曰王事方殷敢爲兒女計乎歲除遣文牒至夜半倦索酒庖人報殺肉已分給將士無可佐者乃取鹽豉下之可法素善飲數斗不亂在軍中絕飲是夕進數十觥思先帝泣然淚下凭几臥比明將士集轅門外門不啟左右遙語其故知府民育曰相公此夕臥不易得也命鼓人仍擊四鼓戒左右毋驚相公須臾可法寤聞鼓聲八

怒曰誰犯吾令將士逃民有意乃獲免嘗子處鈴閣或舟中有
言宜警備者曰命在天可法死竟其遺骸天暑衆屍蒸變不可
辨識踰于家人舉袍笏招魂葬於揚州郭外之梅花嶺其後四
方弄兵者多假其名號以行故時謂可法不死云可法無子遺
命以副將史德威爲之後有弟可程崇禎十六年進士擢庶吉
士京師陷降賊賊敗南歸可法請置之理王以可法故令養母
可程遂居南京後流寓宜興閱四十年而卒任民育字時澤濟
甯人天啟中鄉舉善騎射真定巡撫徐標請於朝用爲贊畫理
屯事真定失南還福王時授亳州知州以才擢揚州知府可法
倚之城破緋衣端坐堂上遂見殺闔家男婦盡赴井死從直遼
東人與其子死東門纘爵鄞人工部尙書佐孫志畏亦鄞人進
士年少好氣數遭傑將士窘辱求解職會伏龍至可法命代之
伏龍新喻人故梓潼知縣受代甫三日振熙臨海人道正餘姚
人志端孝豐人思誠字純一貴池人渭字渭生長 諸生可法

史忠正公集

卷末

本傳

十

出鎮淮陽渭等伏闕上書言秦檜在內李綱居外宋終北轅不
納居禮賢館久可法才涓涓方歲貢當得官不授職而擬授
山歸昭等二十餘人爲通判推官知縣甫二旬城陷渭監守鈔
闕投於河昭死西門從死者十七人時同守城死者又有遵義

知府何剛庶吉士吳爾璵而揚州諸生殉義者有高孝纘王士
琇王纘王績王續等又有武生戴之藩醫者陳天拔畫士陸愉
義兵張有德市民馮應昌舟子徐某竝自盡他婦女死節者不
可勝紀何剛字懋人上海人崇禎三年舉於鄉見海內大亂慨
然有濟世之志交天下豪俊與東陽許都善語之曰子所居天
下精兵處盍鍊一旅以待用都諾而去十七年正月入都上書
言國家設制科立資格以約束天下豪傑此所以弭亂非所以
戡亂也今日救生民匡君國莫急於治兵陛下誠簡強壯英敏
之士命知兵大臣教習之講韜鈴鍊筋骨拓膽智時召而試之

史忠正公集

卷末

本傳

十一

學成優其秩寄以兵柄必能建奇功臣讀戚繼光書繼光數言
義烏東陽兵可用誠得召募數千加之訓練準繼光遺法分布
河南郡縣大寇可平因薦都及錢塘進士姚奇允桐城諸生周
岐陝西諸生劉湘客絳州舉人韓霖帝壯其言卽擢剛職方主
事募兵金華而都作亂已前死霖亦爲賊用剛不知故并薦之
剛出都都城陷馳還南京先是賊逼京師剛友陳子龍夏允彝
將聯海舟達天津備緩急募卒二千人至是令剛統之子龍入
爲兵科言防海莫如水師更乞廣行召募委剛訓練從之剛乃
上疏言臣請陛下三年之內宮室不必修百官禮樂不必備惟

曰求天下才智者決策廉者理財勇者禦敵爵賞無出此三者則國富兵強大敵可服若以驕悍之將馭無制之兵空言恢復是却行而求前也優游歲月潤色偏安鋼豪傑於草閒迫梟雄爲盜賊是株守以待盡也惟廟堂不以浮文取士而以實績課人則眞才皆爲國用而議論亦省矣分遣使者羅草澤英豪得才多者受上賞則梟傑皆畢命封疆而盜魁亦少矣東南人滿徙之江北或賜爵或贖罪則豪右皆盡力南畝而軍餉亦充矣時不能用尋進本司員外郎以其兵隸史可法可法大喜得剛剛亦自喜遇可法知己士英忠之出剛遵義知府可法垂涕曰

史忠正公集

卷末

本傳

十二

予去吾誰仗剛亦泣願死生母相背踰月揚州被圍佐可法拒守城破投井死吳爾壘崇德人崇禎十六年進士授庶吉士賊敗南還謁可法請從軍贖罪可法遂畱參軍事其父之屏方督學福建爾壘斲一指昇故入祝淵曰君歸語我父母悉出私財畀我餉軍我他日不歸以指葬可也從高傑北征至睢州傑被難爾壘流寓祥符遇一婦人自言福王妃爾壘因守臣附疏以進詔斥其妄言逮之可法爲救免後守揚州新城投井死

謹案
敕出

堂本錄本傳至可法請罪
之理止茲恭照明史全錄

贊曰史可法憫國步多艱忠義奮發提兵江滸以當南北之衝

四鎮基布聯締聲援力圖興復然而天方降割權臣掣肘於內悍將跋扈於外遂致兵頓餉竭疆圉日蹙孤城不保志決身殲亦可悲矣

諛輔志列傳

史可法字道鄰大興人原籍祥符崇禎戊辰進士性孤耿有志畧崇禎末歷官南京兵部尚書聲望峻偉甲申聞國破涕泣三日夜繼而忠奮自命志滅賊報讐擁立福王於金陵拜內閣大學士自請督師駐節揚州會我

朝定鼎於燕京可法上書攝政王悲慟淋漓累數千言圖存社稷

史忠正公集

卷末

列傳

十三

乙酉

天兵攻維揚可法竭力禦守城破不屈死

揚州府志列傳

各宜志江都縣志皆同

史可法字憲之順天大興人母尹氏有娠夢文天祥入其舍生可法崇禎元年成進士累官右僉都御史巡撫安慶廬州等處奏免被災田租募壯士繕甲仗日夜為戰守計賊避其鋒十四年以戶部右侍郎總督漕運尋拜南京兵部尚書十七年四月副李自成陷京城大慟頭觸柱血流被體縞衣發喪欲長驅死賊及福王立馬士英擁兵入可法知勢不兩立請督師淮揚加

太子大保兵部尚書武英殿大學士時高傑兵駐揚州被淫掠死者無算可法兵疏以瓜洲城屯其衆揚州以安可法遂開府揚州闢禮賢館招四方才智悉任用之屢疏請餉士英靳不發每疏請討賊復讐聲淚俱下扼於馬阮獲報而已次年四月左良玉東下王手書召可法入援即日發兵渡江抵燕子磯聞良玉已敗乃令速還祇天長一日夜奔揚州檄調各鎮兵無一至者二十日

天兵至屯班竹園總兵李棲鳳監軍副使高岐鳳拔營出降城中勢益孤諸文武分陴拒守舊城西門最險要可法自守之作書

史忠正公集

卷末

列傳

十四

寄母妻爲訣以無子命副將史德威爲之後越二日

天兵薄城下城破可法自刎不死命德威刃之德威痛哭不敢仰視一參將擁出小東門爲我兵所執可法大呼曰我史督師也可速殺我勸之降不從遂殺之揚州知府任民育同知曲從直王纘甯江都知縣周志畏羅伏龍兩淮鹽運使楊振熙監餉知縣吳道正江都縣丞王志端幕客胡如琨盧渭皆從死

甘泉縣志列傳

史可法字憲之大興人崇禎元年進士歷官巡撫安廬總督漕運晉南京兵部尚書十七年四月聞李自成陷京師烈皇帝殉

社稷縞衣發喪欲長驅死賊未幾福王立南京馬士英擁兵
可法知勢不兩立請督師淮揚加太子太師兵部尙書武英殿
大學士駐揚州時高傑在揚州縱兵淫掠可法疏請以瓜洲城
屯其衆而已則開府城內闢禮賢館招四方才智之士任用之
屢疏請餉不發明年四月左良玉東下王手書召可法入扞天
燕子磯聞良玉已敗乃令速還還抵天長一日夜奔揚州調兵
各鎮無一至者二十日我

朝大兵已至班竹園總兵李棲鳳監軍副使高岐鳳拔營出降城
中勢益孤諸文武分陴拒守可法自守舊城西門作書與母訣

史忠正公集

卷末

列傳

十五

立副將史德威爲後越二日城破可法自刎不死一參將擁出
小東門爲我兵所執可法大呼曰我史閣部也可速殺我勸之
降不從遂殺之參軍吳爾壖揚州知府任民育同知曲從直王
纘爵江都知縣周志畏羅伏龍兩淮鹽運使楊振熙監餉知縣
吳道正江都縣丞王志端幕客胡如理盧渭等皆從死

祥符縣志列傳

史可法字憲之祥符人占籍大興崇禎戊辰進士累官總漕都
御史多惠政而風紀清肅後以大學士兼兵部尙書督師江北
出駐揚州事勢不支城破死之遺有乞骸骨葬鍾山書

竊謂撥亂反治必天生聖明之君翊運扶艱尤帝賚忠良之佐故漢光復起司徒功冠於寇馮唐肅再興鄴侯勳先於李郭蓋以不離帷幄故掃除既藉其權謀身在朝廷卽跋扈亦資其彈歷今者乾坤再造日月重光幸遇陛下河清應瑞鳳舞興祥卜鼎於高皇創造之基承休於列聖丕隆之後識天心之有自知人意之咸歸臣等竊意安危之繫在於立政之初聚散之形卽此用人之始伏見初臨監國首擢南京兵部尙書史可法授東閣大學士仍管部務羣心踴躍萬姓歡呼咸頌陛下知人善任

史忠正公集

卷末

公疏

十六

遠追堯舜則哲之明用人求舊近鑒元老壯猷之績旣畀之以調元贊化之職仍責之以詰戎奮武之能此真聖人大度神武嚙成之事也誠以樞臣史可法冰心鐵骨浩氣清思仰望係南北之障固其鍊事之所至亦其積威之所成先帝眷注彌加倚畀獨重然不用之於北樞而用之於南樞者固天躡先帝之心畱此以佐陛下今日中興之業者也顧南都積弛之後未易蒙安自樞臣整頓以來漸堪驅策經營在一載之間堅瑕係全局之重人才聞之而輟集一經其目便真僞大小之畢形政事遇之而悉周凡在有司雖寒暑旦昏而不廢蓋以其無欲故能知

入以其不倦故能舉政真救時之宰相濟世之忠良也今聞
奠安南服則情形敏鍊之熟無踰可法鼓銳北征則廟堂籌策
之能亦無踰可法諸將之所素服逆賊之所素畏亦無踰可法
由其才望之隆足爲控制更以忠誠之篤可格奸邪目今詔令
初頒人心甫定衆正畢升羣小亦無不覬望長城方壯鼠狐正
畏其潛萌只以可法秉志清剛毫無顧忌故同列皆碩望名臣
引用無宵人敗類不獨用兵勦守事宜資其成算抑亦人才進
退關頭賴其主持日者忽聞出代督師之命衆心惶惑未識所
措雖淮揚係南都門戶畢竟朝廷是天下根本若可法在朝則

史忠正公集

卷末

公疏

七

出師命將真可取燕雲而復帝都固本安民奚但保江淮而全
半壁淮揚雖急宜別令一督臣使可法從中調度則兵糧有著
著應手之模萬一可法自行則雖身任督師而中樞已更成局
實戰守有事事紛擾之漸卽後起必有善圖而前功不無變廢
機會一失局面盡移此江南士民所以奔走號呼不能不伏闕
哀籲者也且近日民間傳言降賊逃官紛紛南至如陳名夏項
煜諸人旣以身受僞官視顏事賊乃復出頭露面儼列朝班甚
有陰奉賊指愿効奸細展轉夤緣復職誤國當此風鶴未定之
餘又有此烏雀來韓之異忽爾重臣出外樞務變更其何能息

此危疑之情也伏乞陛下仍留可法在朝佐理一列前旨別命才望重臣或現任或起廢毅然肯行者前赴淮安以圖進勦仍將逃回諸臣察其曾受僞職者戮諸東市其未受僞職者投諸荒裔蓋此番不死諸臣與唐天寶之事不同彼時天子自去西川太子速興靈武臣下無必死之條君父有可寬之例今先帝賓天六官掃地乾坤何等時也但聞主辱卽當臣死未聞主死尙可臣生此宜亟正典刑毋滋淆惑以救人心以扶正氣者也懇祈陛下大察天下之勢俯順士民之情既重根本贊化之人兼濟門庭進退之策戮有罪而任宥能專大任而定國是庶幾中興之業可成而漢光唐肅得再見於今日也某等無任瀝血披誠籲天哀祈之至爲此連各具本伏闕具奏以聞

六安生祠記

宋之正

史忠正公集

卷末

公疏

六

今上聖神文武克詰張皇計戡定遠猶必先肅清近服顧茲關雒氛祲纏延楚豫歲乙亥始肆蹂躪江以北西來則六當其衝東南伺則潛太作之徑廟謨宏遠特開六廬憲府授節鉞以重撻伐之權維丁丑大中丞史公實肇膺簡任焉公澹甯致遠惟神惟幾蓋自兵滿皖上業稱三軍之司命兆姓之憑依六雖天季分隸然叢爾殘區何以親日月霑雨露爲子遺迺續乎乃公

經猷素裕更跋涉周觀稔知六爲襟喉門戶地遂移囊於斯虜
鬪虎賁距躍推雄碁布星羅營壘增勝猶日募遼陝之奇材布
河渭之駿足磨集幕下公時時簡閱而肄習之方畧節制先聲
愾然敵國草創新模度越尋常萬萬矣軍實益盛敵愾當自無
一每一聞警莫不介馬而馳之六舒桐黃之交表延幾及千里
或屢入屢創而板山諸險輿塵戰獲俘公臨陣身先士卒謀勇
用命所向無堅露布曾不自侈彼醜維駝由是無復長驅廬和
壽濠閒往日窺伺之路頓絕此其績著陵京勦施社稷者未易
縷指獨是六蒙過化功德與高厚等銜恩思報有自來也六恬

史忠正公集

卷六

祠記

五

嬉日久民不知兵狡賊突臨駢首就戮公建六安營用導奔禦
更酌濟餉糈長策地方無執戈之苦有保聚之安賊不致走城
下如無人而城中亦倚爲耳目壯聲援年來婦子免鋒鏑者何
啻萬千城垣傾圮易拔易撼遙覘豕蛇士民日夕皇皇公捐俸
修甃佐以節省之資費不下數千金而不煩公帑不括民資且
躬親閱視卽一磚一石數寓目而經心焉不日之成悉爲堅壘
長城屹若垂保障於無疆烽鏑頻仍絃誦幾輟公首臨頻守
諸生而與進之重之咨詢接以溫文中有稍知自砥者尤加優
異凡屬子衿蒸蒸色動睹宮牆之未飾復捐助繕營時值凶

心驚雲漢公虔忱步禱甘澍時濡重以螟螣害稼分方募捕婢
獨嗷嗷設糜哺之穀價騰湧立諭疏之酌盈濟虛至誠動物一
方民獲免溝中之瘠猶存守望之身秋毫皆公力也軍興孔亟
承役者雖富室亦盡張威肆虐民命不堪公嚴爲禁戢使不得
橫索而狂逞焉郵次望風斂迹兼允士民臚言勒成一條鞭冊
賦役適均更有相沿陋規立石刊除里中賴以存活積猾交蟠
侵漁錢穀以數萬計公實首惡於理舞文輩始知惕息奸蠹縱
橫屠毒良善公廉得其實刑一人而千萬人懼其諸濟惡以次
芟除六惡犯贓久累貧民破產者不勝屈數公特疏請免波及
之衆歡若更生彈丸瘠土荐罹兵兇公約已裕民泊無一嗜夙
夜寅清焚香靜對一惟君國是急精敏絕人事無鉅細咸屬親
裁目視耳聽口答手批靡不贍舉而始終畧無少倦綢繆早定
惟儲糧爲急時荐饑見告兵民一時皇然卽以所儲給軍而令
不得與民爲市以杜爭端更念大旅狎至空匱莫支敲扑徒煩
庚癸莫戢仍預檄撫屬諸郡邑協助恒近萬金貯之六庫驛騷
雖劇應之裕如焉公本原澄徹神明日生撫摩肫篤經慮彌遠
古大臣匪躬之致先事之防庶幾見之入衛整旅星馳電發所
將率彪虎熊羆平日頗悚於繩束迨久行閒見公糲餐幕寢有

史忠正公集

卷末

祠記

字

最下士所不甘者始相與感而泣下廩爲效死方鼓勵待敵而
大封公討聞矣公慟幾絕水漿不御者更四晨昏勉徇輿情稍
進匕粥雖毀頓之餘倦倦惟圖善厥後耳是時公請得憲使湯
公詰戎貞憲一力同心裨於安攘者甚大遂與今大中丞鄭公
並舉自代而新命已有先符矣蕭規曹隨較若畫一爲國爲民
功德更稱不朽公今銜恤歸垂髮戴白炷香扳號者彌滿川谷
迄今孺子婦人無不見公之眞勇夫也卒無不懷公之德洵古
今未有者士若民僉謀侑俎豆祝萬年然仰體素心未敢驟又
未能已爰就駐節近地楹宇是營俾歲時瞻覲宛若公坐堂皇

史忠正公集

卷末

祠記

三

布德意撫綏庶指爲元元拯阽危也想公密邇天顏時當簡在
爰立左右用叶爲霖不遐遺此一隅草野中方以下平治云祠
經始於崇禎十二年十二月十五日落成於十三年三月八日
是役也俯順羣心先謀基定實稟度於憲使湯公而新任朱州
守心切景行經圖締建用襄厥成焉 公名可法字憲之號道
隱順天府大興縣籍開封府祥符縣人戊辰進士

公請雷六安祠碑呈

程之光

竊惟恩流屏翰棠芾興思澤被方隅桐鄉有祀義並垂於今古
心豈閒於存亡伏考明代史公諱可法者德望參天恩波濛濛

某等一隅之見祇言在六之七念六安楚豫爲鄰當明季賊兵交困公以軍門而坐鎮不啻父母以斯臨問疾賑饑事事必誠必信籌兵禦寇時時廢寢廢餐正撫摩而忽值父艱繁仰賴而儼同失怙一時深山窵谷莫不捨地呼天下至走卒兒童靡弗哀號擗踊轅門勸食有留身爲我代謀孫子子之言佛寺緇經有祝父生天爲報元元本本之句觀茲一節足稔生平厥後萬姓普銜矢以二天永戴標名鐫石痛心豈止於峴山墳象傳神頂禮更超夫忠定今芳容已傷劫火而碑字未等蟲文倘或安置匪宜則風雨漂搖黠畫或鄰於薄蝕惟是莊嚴得所則鬼

史忠正公集

卷末

公呈

三

神阿護雕鐫罔致於摧殘雖河岳日星記口假茲不朽而山疇子弟要必藉以具瞻昨見昇至學前人言將欲他用竊思荒烟斷碣歷千載而尙欲摩挲豈其含淚貞珉未百年而遽思剝落恐以欺而致誤用先事以陳言懇闕州志藝文知前哲之流徽匪偶因詳紀勳本末識人心之佩德無彊諭將已動豐碑永置先師廟廡更爾載申典禮聿新名宦之室皇庶幾邁彼淫祠各爰聖宮之俎豆不惟前人厚澤得與虞士師宋知軍一賢一聖而俱長抑亦良守高風可與陟之山澗之水一時一流而並久

矣事關公論伏願鈞批

明季寇逆猖熾毒流楚豫開當軸以皖城爲故都上游議設兵備制寇使不得南下一時草創百務紛拏而命官之議報可舉朝視爲畏途時史公任比部郎奮然起曰國家養士原爲社稷計今若此非所以報主知也自請往至皖日不暇給築城濬濠措餉募兵月餘得八百人雖訓練未深而戰守有恃皖遂爲江北一重鎮矣丁丑兵燹益烈兵單莫支復議增設撫臣以爲豫楚聲援開府於六廷臣推公爰晉階焉其草創更甚於備皖時公甫下車舉開遠湯公代兵備公乃露宿行閒凡所經畫

史忠正公集

卷末

功德記

三

不滅古名將方畧以故賊出沒靡常而六無恙江北諸城無恙因而故都亦無恙公之功大矣終歲一衣蔬食自足開禮賢館廣咨問爲德若不足念差徭之害所在皆然而六尤劇公視發僧募民者如仇擊殺數輩其時赫然維新兩郡十四屬之民始得帖席而臥簽點法相沿日久差之中有養馬一條計六廡供馬二十六匹值用兵之日游騎四出所謂大府援鎮飛來食人馬差一至坐索無已往往中人之產立盡六民困甚籲於公公愀然曰悠鞭法天下皆然而六仍點差之陋抑何爲者於是允所請差歸於官而里民佐其費勒石垂久至今六人賴焉公麾

下卒多秦晉人類皆獷悍不率內有驍丁蘇姓者以細故射殺老嫗公杖殺之其黨劉小全馬如龍倡言作亂密邀百人噪於軍時漏下三刻亂兵自外入城內數處火起公詢知其故檢草疏文移有關撫事者付幹椽數人命攜之踰垣避椽乞請同死公曰毋庸也汝輩所付皆係軍國不可以失押令亟去內有一小侍亡其姓名曰奴願隨公公義而罰之朱衣坐堂上秉燭生劍亂者趨至門見公神光照人端嚴可憚遂斂手而竄吳巨調川兵討平之公素服慰士民曰無功於六而且害之卽殺軍郊外以謝百姓士民扳挽而泣伏地叩留額有出血者公檢被焚

史忠正公集

卷末

功德記

五

之家每屋一間賑銀五兩少選亂定兵民安堵如初戊寅夏飛蝗自西北來若雲密雨驟公命官民捕之死蝗山積而害未減公每於子夜跪禱爲民請命凡焚香盡三炷而達曙如是者彌乃其椽請曰得毋勞乎公曰予做秀才時合一月計之止得七夜整眠自服官來情矣此何足言疲但恐國所濟耳庚辰春大疫道上僵屍枕籍公措米千餘擔分設粥廠九處活饑民無數六民戴公德建碑祠歲時祝焉無何聞太公訃公哭泣毀容水漿不入口士民環裾請曰太公以天年終公其爲朝廷自愛不得已進一粥焉弔者日衆雖鄙民賤缺必叩答之及去朝廷聞

其賢而未信也遣中涓數人先於涿州伺之比至啟其篋得銀
盃三金扇十七柄奠章三十二軸而已使者報聞帝爲動密於
是有奪情議公拜疏固辭服闋授七省總漕尋晉南司馬後視
師維揚卒以身殉夫大廈非一木所支大才非其時則蹶心能
不愧行足見天以云無負所生焉可矣善六人言其所見聞如
此

書殉揚州事

黎士宏

乙酉四月初一日閣部史公在揚州聞大兵訊急督師往泗州
防守後六日朝命輔臣史可法藩鎮黃得功等星夜提兵渡江

史忠正公集

卷末

書事

三五

以禦左兵公於初九日抵浦口復奉命黃得功等渡江史可法
仍守揚泗公馳至泗而總兵官李遇春等已降公乃同副將史
德威率數千騎回揚泣諭士民登陴爲死守計十五日豫親王
率兵至城下使降將李遇春說降公令德威痛罵遇春負國背
恩王使鄉約捧令旨至濠邊公曰吾爲朝廷首輔豈肯反面事
人遂縋健卒二人取令旨投諸水遇春奔回告王王乃以書來
公復書不屈如故十七日又接王書者五皆不復啟視投之水
乃監軍道高岐鳳總兵官李棲鳳又踰城降公知事不可爲十
八日呼德威入內持之痛哭誓死報國欲以德威爲後嗣德威

伏地泣曰相公爲國殺身義當同死何敢偷生然德威自有宗
支况無父母命安得爲人後公泣曰我爲我國亡子爲我家存
我以父母大事屬子子勿辭時總兵劉肇基等同侍公側亦
交口泣勸公泣拜德威曰爲我祖宗父母計我不負國子忍負
我德威始泣拜受命公遂繕遺表上朝廷又爲書五封一致某
王一上太夫人一遺夫人一遺叔父兄弟一付德威屬以譜入
宗祠寄託後事慮軍中有失重寫如前付僕李書收存又囑德
威云我死當葬於太祖高皇帝孝陵之側二十日王復以書來
公拒之益堅二十五日兵攻城急公令以礮擊傷者頗衆王驚

史忠正公集

卷末

書事

三

督勁卒攻城西北角城且陷公知事已去乃與德威訣別舉刃
自刎參將許謹泣抱之血濺衣袂而未殊公仍令德威加刃盡
威不忍同謹率數十人擁公下城公罵之至小東門謹中箭死
公問前驅爲誰德威言是豫王公大呼云史可法在此衆驚愕
執赴新城門樓上王以禮待之稱先生曰忠義旣成今爲我敗
於江南當不惜重任公怒曰吾爲天朝重臣豈可苟且餘在作
萬世罪人吾頭可斷身不可屈願速死從先帝於地下德威持
遺書走城中旌忠寺寄藏

別本作走鹽商
段姓家寄藏

復回見公與王語詞

急於厲王...之以全其名公厲聲曰城亡與亡

我意已決即劈屍萬段甘之如飴但揚城百萬生靈不可曾戮
遂慨然授命德威被執發許定國處訊嗣公眞廣得實王令釋
之以全忠臣後嗣五月初七日德威回揚入城尋公屍時炎熱
方熾馱骸塞路腐變不可識爰奉公袍笏招魂葬於揚州城北
梅花嶺右立碑封坎而去德威山西平陽人予見揚州殉節紀
略謹述其實以備史氏之采云

謹案別本所載字句多有異同於德威被執下接至營發許定

國審而放之日以全忠臣後嗣五月初七日德威入城覓其遺骸
天暑蒸變不可識乃奔南京報計六月初十日復至揚城段氏
家尋遺書段氏一門被殺殆盡德威傍徨嘆息忽於破屋殘紙
內得之即回南京呈太夫人丙戌清明後一日德威奉公袍笏
招魂素於郭外之梅花嶺立碑而去王雅重公然怒揚城之堅
守不下也既陷遂屠之死者數十萬人而人皆絕不怨公惟以

忠王公集

卷末

書事

毛

不得公屍說者紛紛云
云未知孰是姑兩存之

池北偶談

王士禎

康熙二十年吳江吳漢槎兆騫自甯古塔歸京師駐防將軍安
臬者老將也語之曰子歸可語史館諸君昔

師下江南破揚州時吾在行閒親見人自呼云我史閣部也親

王引與坐勸之降以洪承疇爲比史但搖首云我此時只辦一

死但城中百萬生靈幸勿戮及王百方勸諭終不從乃就死此

言所目擊者史書不可屈却此人

謹案此照敎忠堂本所
錄刪其原本裝點語

左史逸事

方苞

先君子嘗言鄉先輩左忠毅公視學京畿一日風雪嚴寒從數騎出微行入古寺廡下一生伏案臥文方成草公閱畢即解貂覆生爲掩戶叩之寺僧則史公可法也及試吏呼名至史公公瞿然注視呈卷卽面署第一召入使拜夫人曰吾諸兒碌碌他日繼吾志事惟此生耳及左公下厥獄史朝夕獄門外逆闔防伺甚嚴雖家僕不得近久之聞左公被炮烙旦夕且死持五十金涕泣謀於禁卒感焉一日使史更敝衣草屨背筐手長鑿爲除不潔者引入微指左公處則席地倚牆而坐面額焦爛不

可

左膝以下筋骨盡脫矣史前跪抱公膝而嗚咽公辨其聲

史忠正公集

卷末

偶談

逸事

五

而目不可開乃奮臂以指撥眚目光如炬怒曰庸奴此何地也而汝來前國家之事糜爛至此老夫已矣汝復輕身而昧大義天下事誰可支柱者不速去無俟奸人構陷吾今卽撲殺汝因擲地上刑械作投擊勢史噤不敢發聲趨而出後常流涕述其事以語人曰吾師肺肝皆鐵石所鑄造也崇禎末流賊張獻忠出沒蘄黃潛桐開史公以鳳廬道奉檄守禦每有警輒數月不就寢使將士更休而自坐幄幕外擇健卒十人令二人蹲踞而背倚之漏鼓移則番代每寒夜起立振衣裳甲上冰霜逆落鏗然有聲或勸以少休公曰吾上恐負朝廷下恐愧吾師也史公

活兵往來桐城必躬造左公第候太公太母起居拜夫人於堂

上予崇老塗山左公圻也與先君子善謂獄中語乃親得之於

史公云諱案左公諱光斗忠毅其諡也官明僉都御史天啟間

奸利削公籍旋復誣與副都御史楊漣等私受熊廷弼賄遂不

下獄矯旨追贓五日一比歷受酷刑體無完膚後訊時不能語

起荷梏梏平臥堂下尋破權璫

威屬斃於獄卒之手天下冤之

墓祠記

謝啟昆

天子御極之三十年予以編修入史館方續纂綱目欽奉

上諭以明福王之在江甯尙與宋南渡相彷彿

史忠正公集

卷末

墓祠記

完

特命存福王年號而於其臣史閣部可法復有方嘉予之之

諭其時讀者無不仰見我

皇上褒忠節正名分一秉春秋之律而又未嘗不嘆史公之心跡

得大白於

益朝爲千載一時之遇也揚州廣儲門外梅花嶺右有史公葬衣

冠墓歲甲午予守揚州拜墓下見松柏鬱然祠宇斬新間之或

曰官構也又云其子孫自爲之予喜公之果有後也未幾其裔

孫開純奉公遺集來謁卽史所稱奉遺命爲後副將史德威之

曾孫也集後載黎士宏書云死揚州事云公在閩中命家人李

書曰我死當葬高皇陵側城破公自刎不殊史德威等昇之至小東門見執公呼曰我史督師也遂擁之去善諭之不屈求死因被殺德威自白奉遺命爲後釋之越十餘日德威尋公屍腐變不可識奉公袍笏葬於嶺與史文相同或者曰德威奉公遺命葬鍾陵公之精魄其不戀戀於揚州可知也雖然揚民實感公德當是時四鎮爭長高傑駐揚州抄掠徧城野憤者至並鄉官鄭元勳誣殺之朝命公往傑乃聽命公爲屯具衆於瓜洲衛允文督興平軍與黃得功構賴公遣官馳解之揚民乃安是揚之遺黎皆公之生之也卽無墓猶當世世祀公况衣冠所瘞用

史忠正公集

卷末

墓祠記

三

腦所塗乃在此土耶則崇其祠宇也固宜開純言其曾祖德威本籍山右葬公袍笏歸山右終焉越數十年純父某始來揚土人侵公墓地自於官清還故址以前運使朱公請列於祀典乾隆戊子純請於前運使蔣公鄭公得帑金建祠三楹今又請於運使邊公上鹽院伊公復修置門樓三楹塾垣以磚七十丈其近墓餘地皆純父子前後用公私錢擴置手植松柏梅花今皆成林以予有守土責請予記之嗚呼公之生也義能得士以庀其後公之死也忠能動天以存其君往古忠節之士其身後未有如公者豈其天性過人歟抑所遭有幸有不幸也予旣喜於

續纂綱目輯公事蹟今又來守是邦而親見祠之成也於是書其事而爲之記乾隆四十年十月撰

像記

王概

公少受知於忠毅左公視學畿甸拔冠多士貧甚留館邸中每當公餘衡論時事昔血同裂各以忠義相許也及公由南中擁戴功將攄素志又值馬阮柄國昏詆內訌議頗不合遂出視師江北監軍維揚嬰城固守城破死之亂軍蹂躪求遺屍不得嗣子德威招魂葬衣冠於梅花嶺下立石爲表是亦

聖世教忠所不廢焉近有謂公實未嘗死客曾遇之閩粵閒者是

史忠正公集

卷末

像記

三

蓋以公孤忠貫日月生氣凜凜恒在兩閒故作是語見歸心公一若顏平原旣爲希烈所害奉詔歸葬偃師北山而紀異編謂平原學道有年葬後有詣羅浮見其儼然與一道士圍棋樹下且手削札俾寄家人神仙實未嘗死非以神仙足重平原正藉平原足爲神仙生色惟其能死是以能生能生者能捐生而猶生非竟不死也語雖近怪然本諸忠義何怪之有又董文敏爲忠毅志墓載田爾耕見忠毅白晝捉獄與楊應城威儀奕奕俱若天神黃祠部海岸畢命水草菴是日王家渡口榜人喧傳祠部白衣冠親來問渡忠毅歸骨龍眠荆布卽其女甥兩家往來

甚數祠部後嗣子友也載樞故里曾賦詩執紼兩公英爽不散
皆所熟聞然亦將疑其竟未嘗死耶公廬皖有祠王家渡卽祠
部北渡所野人追思塑有小像神清骨勁每過展拜意欲就之
摹尺幅上並摹左忠毅公家像以見衣鉢有傳藏於小齋時出
作禮茲披觀是寫尤可想見生平卽瞻視亦不苟也盥手標舉
將以辨惑

像贊

胡獻徵

嗚呼天宇有時覆兮天柱不可折天柱有時折兮人與名不可
沒明祚移誰支撐江南半壁事已無成事已無成而猶完其人

史忠正公集

卷末

像贊

三

與名吁嗟乎史先生

又

顧貞觀

宋有臣死於元元有臣死於明或修史而爲之傳或建祠而錫
之名蓋所不計者一時之抗拒而所極重者百世之忠貞於惟
我公曠代英靈值玉步兮方改炳大義於日星吁嗟乎昔日者
以

世祖之聖而追謚夫莊烈愍皇帝今日者亦應以斯民之直而私

謚大督輔史先生

又

姜兆熊

嗚呼先生稟川嶽之正氣吐日星之寒銛值天崩而地裂拚一
死其何商以此盡一日之臣心實以植萬古之綱常彼貪生畏
死者或覩顏於瞬息亦終不免於喪亡獨不見夫纍纍荒塚之
遍乎曠野與北邙先生雖頂踵無存而孤忠大節蓋歷久而彌
芳昔天寶之亂以孤城而保河北有捨生取義之睢陽炎興之
際以一旅而思興復有殺身成仁之天祥是皆振古之人傑先
左與之後先輝映而有光先生之名垂乎青細先生之神應歸
帝鄉予既讀遺文而嘔嘆者復瞻遺像而徬徨其英靈之稟凜
如生者猶彷彿其在上而在旁

史忠正公集

卷末

像贊

三

像跋

秦松齡

方先生聞京師覆傳檄遠近灑泣登壇其忠憤之氣可謂壯哉
及擁立乖其本謀官府積成猜忌不安於內力請督師其志已
決於殉國矣至於騎兵悍將不受鈐束左支右吾智勇俱困時
事已萬不可爲而先生之必死固不待身膏原野時或以城
破不得其尸疑先生潛遁者夫亡國大臣去將安適此不特不
知先生之心亦不審乎事勢也故於拜瞻遺像爲別白其說焉
右像記贊跋舊俱列像卷乾隆四十二年六月奉

題遺像詩

顧貞觀

銅馳昔日生荆杞相國孤忠獨堪倚戎馬南窺汴泗交將軍對
泣新亭裏四郊多壘誰勤王瑯琊失德仍昏荒紛紛朝寧議翻
案天地變色無晶光赤眉駸駸逼畿輔四鎮爭權競懷怒已報
王敦據石頭惟聞董卓營邯鄲先生亮節賦不移煌煌赤烏身
登陣朝陳百疏灑血淚夕誓三軍眠鐵衣丹誠不諒終自矢半
捲紅旗鎮淮水諸葛徒懷保蜀心雲長願效荊州死揚州煙花
三月春簫鼓不鳴飛戰塵北來羽檄似流矢南望義旗無一人
重圍月暈絕飛鳥嚙指城樓草遺表正氣何慚信國公俠腸竟

史忠正公集

卷末

題詩

三四

芻夷門老委巷橫尸不可求衣冠虛葬古邗溝史臣不盡編遺
恨野老猶能識故邱展圖慷慨披公像風骨峻崢嶸氣道上九死
張巡貌若生鴟夷伍叟濫遜壯廬陽太守刻遺編忠義重伸六
十年請看誤國諸臣骨蕩爲野草與寒煙

右詩舊列像卷乾隆四十二年六月奉

旨並摹鑄揚州梅花嶺祠壁

拜史閣部六安生祠

顧貞觀

最古仲甄國宿傳山水佳參差鬱相望煥若層城霞明季捨攘
極潢池聚羣譁蔓滋吳楚閒鏟削隨萌芽各賊肆衝突居民失

耕畝向來絃歌地比屋存幾家
劫灰冷昆明清風邈元嘉
肉食議勤撫築舍無乃差
史公河嶽英茲焉建高牙
噉和煦哀鴻遽迅擊修蛇
慷慨睢陽箭淒清越石筍
臨戎整麾蓋玉色無疵瑕
至今登陴處折戟猶沈沙
入相旋出將當軒拜黃麻
軍聲振北府士氣雄南衙
其如噴淵景橫被偃月遮
芟除及衆正似摘黃臺
瓜大厦已傾覆一本空
杈柯尙營籌筆驛肯泛支
機槎拊膺叫蒼梧握血凝
丹石決對亦殲衣冠葬梅花
六人感其義廟祀禮有加
足知公心存休嘆直道賒
歲久金碧黯荒祠惟莫鴉
初疑鼓吹喧草深亂鳴蛙
豐碑盛勳德甯類世俗誇
翠蘚蝕銀

史忠正公集

卷末

題詩

三

鈎字畫分畝斜守土今爲誰

青箱嗣瑯琊

謂州侯王培葦

昔刊雙忠集

流馨滿金華復此瞻遺像
丹青拭篆蝸卜云棟隆吉
薦豈鼎實奢精靈匪遠隔
宛在霜兼葭我欲寄瓣香
紫茸奠春茶試歌迎神曲
風馬乘雲車日皎潞山巔
星爛渾水涯三光一迴照
萬古同咨嗟

題史閣部遺像

蔣士鎔

士不飽不先食未授衣不先御
短小精悍目有光廉信與下均
勞苦國史大書如寫真鬚眉凜
然社稷臣生不逢時死得所雲
臺麟閣嗟何人遺言欲葬孝陵
側公屍已潰那可得梅花嶺頭

冰雪魂生死南枝不向北袍笏作身將作兒文壁子孫非我支
請看前世旋螺髮換出新霜兩髻絲公當蓼賊謀兵禍半夜朱
衣獨危坐神光照人賊駭竄始信相公難得臥彼時狀貌若此
圖斷幅流傳半有無偶隨神物全函守終使兒孫鐵筆摹挂向
祠堂生氣勃伏臘年年採薇蕨南都戰壘草連天北嶺梅花香
到骨吁嗟乎公不講學不立黨遣大投艱毅然往宗澤難平統
制譁張詠空留益州像家書紙紙飛血痕容衣誰揭小東門不
如柴市招魂葬齒髮猶埋信國墳

增梅花嶺

揚州雜詠之一

趙翼

史忠正公集

卷末

題詩

五

閣部督師開幕府屹爲金陵守門戶羣奸處堂嬉燕雀將爭
地鬥豺虎苦心嘔血作調人猶冀殘某一著補可憐運去力不
支城破伏尸膏鑕斧亂骨縱橫覓不得或傳赴水死江澣梅花
嶺頭葬招魂遺命空思孝陵土

增梅花嶺拜史閣部墓

吳錫麒

風雨如聞轉戰急精靈閃爍穹碑立嶺路斜通下馬尋墓門側
揜披蘿入閣部衣冠此地埋一坏碧葬最堪哀莫疑兵解平原
去原是前身信國來當時出撫淮陽地羣盜紛紛趨鳳泗大樹
聲名馮異呼長城氣勢英公倚卽教談笑領戎旃叱咤風雷闢

外專定可刻期除大憝豈容飛矢射承天一朝事去金甌裂眼
見京師遭喋血椒殿尸橫慘可知鼎湖髻墜嗟安說辛苦麻鞋
何處奔忽傳南渡共承恩邇茲自限朝廷小龍種居然帝子尊
偏安本是貪休暇流涕上書聽者怕誰能擊楫誓中流誰念渡
河呼半夜處堂燕雀共啾啾當軸猖馬阮儔一載紅羊餘壞
劫千秋白馬禍清流東林報復讒爭構密網生逃大悲咒把臂
應無周幼不同心尙有黃公覆分闢蒼黃拜表行登壇旗鼓氣
縱橫招賢特啟公孫館撫士如歸趙郡營隄蹄那不思馳逐蝸
角豈知終局促臣子徒吟正氣歌君王偏唱無愁曲太平風景
滿朝歡諧價西園盡得官竈下爛羊新應勅帳前青犢舊登壇
耳聞中使良家選玉卮金鋪開別院燕子朝陳狎客箋桃花夜
擁歌姬扇警報牀頭醉不知荒迷祇自逐兒嬉徒誇鐵鎖橫江
計會見銅駝埋棘時艱難獨仗嬰城守落日蕪城狐兔走運去
難畱豪傑心權分共挈英雄肘蜀岡礮火徹雲端百死甯消一
寸丹苦語雄心慈母遠遺言埋骨孝陵難寒原莽莽沙沈鐵野
火青燐互明滅慘淡雲黃自裹屍迷離草碧誰收血左率弓刀
想像存梅花嶺上記招魂蛟螭勁氣千枝鐵冰雪寒香萬古痕

史忠正公集

卷末

題詩

七

昭代隆恩沐遺墨循廊我重讀正論何須卻聘書孤懷早入
褒忠錄臨淮第宅幾人畱珍重前朝土一邱賸有二分明月照感
人翠羽話明啾

增 梅花嶺拜史閣部墓

沈德潛

閣部餘丘壠碑文筆有神蟲蛇殘四鎮
在千秋草不春忠魂弔蘿石左懋第南北以成仁劍葬孤臣一死人長

又

閔華

擁立自僉壬東南患益深艱難文相志
補虞淵日易沈招魂遺墓在松柏已成林
武侯心精衛禽何

史忠正公集

卷末

題詩

公

增 梅花嶺謁史忠正祠墓

蔣士銓

十六年心事重來一拜中天令存畫像

聖為表孤忠遺墨牆碑勒

宸題寶碣礪梅花含笑處不與蒼時同

購得史閣部遺像竝家書真蹟三首

蔣士銓

誰為保圖繪公久外形骸身不歸柴市神猶墮藁街遺容亡國
棄賸墨野夫懷可惜衣冠葬無人抱此埋

守祀無兒託偕亡倚婦賢危軀成獨坐正氣本孤懸
畫精靈許竝局請看家信字血淚尙斑然

代重雲臺像公堅馬革心孤忠前世立殘局再生在本集作亂

平壁敗某任 畫日身應健傳觀感亦深虛堂駐靈爽從此謝銷沈梅古家發

題史閣部遺像

袁枚

每過梅花嶺思公淚欲零高山空仰止到眼忽丹青勝國衣冠

古孤臣髣髴星宛然文信國獨立小朝廷

已斷長淮臂難迴落日戈風雲方慘淡天子正笙歌四鎮調停

苦三軍涕淚多至今圖畫上如盼舊山河

且喜家書在銀鈎字數行淒涼招命婦宛轉託高堂墨淡知和

血篇終說斷腸札尾云書至此肝腸寸斷當時濡筆際光景莫思量

史忠正公集

卷末

題詩

三九

太師畱畫像交付得歐公展卷人如在焚香禮未終江雲千里

外心史百年申怕向空堂捲霜天起朔風

高文照

高文照

素練凜風霜鬚眉怒欲張生原同信國死尙識睢陽心事緋袍

露江流玉帶量南都成底業不畫上明光

太息琅邪政君臣溺晏安中朝羣指馬四鎮日爭蠻運去功名

沮忠孤智力殫師門付衣鉢慷慨竟身完

動地鼓聲來危城一夕開矢窮猶倚奮舌在已兵摧白氣昏江

月貞魂戀嶺梅邗溝城下水鳴咽到今哀

豈有如公者投荒逐竄連元和垂史筆一洗許張詠涕淚宗支
託雷霆臣姓呼微聞皖祠下鐵馬夜猶馳

記拜平原墓遺書重討論烈場當日斷生氣至今存俎豆雙忠

時謂黃祠部乾坤一死尊平生多感激展對輒聲吞

增史閣部何文泗

一樣支殘局文山與武侯綱常同負荷志事本春秋大節

天褒慰完人

帝闡幽東膠如議祀俎豆竝黃劉謂石齋念臺兩先生今俱從祀孔廟

梅花嶺拜史閣部墓

史忠正公集卷末題詩

早

梅花嶺外夕陽時步履重來有所思異代衣冠餘蔓草千秋伏

臘祗荒祠蕪城落日人烟杳瓜步清秋戍角悲蕭瑟西風松柏

樹春來猶發向南枝

又 彭定求

極目層城古戰場忠魂飄蕩恨茫茫軍中空道臨裴度都下無

由仗李綱碧血久從衰草沒白雲遙帶古梅香吾來暗灑三升

淚髣髴靈旗下太荒

又 郭宗鼎

相國荒墳未百年梅花嶺上草芊芊滄桑幻恨銜精衛風雨

魂哭杜鵑事至危亡心不易運逢否極力難全酬恩亦有三千
士慷慨相從軀盡捐

公靖難守城文武官紳士及幕容盧俱何臨家人史樹亭書等二百餘人皆殉

又

陸朝璣

霜隕陵園碧草荒遭逢國步恨偏長未馴跋扈高劉性難滌奸
回馬阮腸百鬱遺骸還宇宙一坏香土瘞冠裳

聖

朝寬大徵文獻易代忠魂不渺茫

又

吳岐

淮南表葬衣冠墓野史名存嘆息多邗水春秋供血食梅花今
古弔詩歌黃泉將相差朋黨白日松楸對薜蘿傳道淒風冥晦

史忠正公集

卷末

題詩

聖

夜忠魂還自哭山河

又

李因培

益起潢池國祚移雪讐無復矢加遺日衣濺血初傳檄鐵騎臨
江獨誓師四鎮兵戈先自構一年鈞軸竟誰持元戎抗疏紆籌
策太息孱王總不知

冰鑑曾聞賞識真存亡社稷仗經綸可憐半壁當殘局獨抱孤
忠感上夏奮戟艱難終一戰登陴慷慨更何人臨危自有平生
志不必文山是後身

結綺臨春夢已死徒勞丞相總師于中原大事同崩土南渡諸

君肯據鞍書訣北堂餘涕淚魂歸高廟有衣冠

聖朝寬典褒遺烈歲歲牲牢肅上官

王師精銳走雷霆南下諸州勢建瓴暮氣尙存真宰相偏安難望
小朝廷城頭劫火飛殘燒嶺上梅花遮暗馨史氏至今傳信筆
遺踪一一耿丹青

袁義壁

滿目烽烟國步更强將力命與天爭三恩未了生前憾一劍聊
從死後評祇寄赤心還故主何妨白骨枕荒城遺書字字孤臣
淚熱血猶隨墨浪傾

史忠正公集

卷末

題詩

聖

增揚州秋感時謁史閣部墓

潘鏐

光嶽英靈河雒分尙餘寒燄射青冥將軍闔外空專鉞丞相營
前竟墜星鬼哭秋原淒曉角鶴歸華表泣新亭秋風萬里荒林
下手折黃花當薦馨

增梅花嶺弔史閣部

蔣士銓

號令難安四鎮強甘同馬革自沈湘生無君相興南國死有衣
冠葬北邙碧血自封心更赤梅花人拜土俱香九原若遇左忠
毅相向甯都哭戰場

增史閣部祠

趙翼

遺像清高故相祠當年建闢已殘基紛紜國事千絲亂辛苦軍
籌一木支箕尾歸天空有氣衣冠作塚竝無屍

聖朝褒卹恩何厚碑版煌煌

御製詩

西鎮調停已劃疆運移那得救垂亡生嫌棣萼枝偏暖

公弟可程曾降

賦昔文天祥有弟璧降元或弔以詩有南枝向暖北枝寒之句

死葬梅花土亦香盡瘁孤忠諸

葛表立君大義紫陽綱

見答攝政王書終邀

御筆褒華袞千載丹心日月光

題督師史公遺像

夏慎樞

史忠正公集

卷末

題詩

聖

鬻黯烽烟逼舊都乾坤隻手付公扶邦危肯作降丞相世亂方

知烈丈夫宏演肝無胸可納姜維膽與淚同枯何人錯比姚平

仲白馬青城野史

野史傳公跨白驃去如宋姚平仲故事者誣罔不足信也

朝拜中書墨未停莫衡戎命出郊坵羊亡豈有牢堪補魚爛惟

存骨尙腥四鎮已無全土宇兩兇猶障小朝廷千秋遺恨甯南

左君側清來錯引經

左師舉兵北防弱矣

梅花嶺下葬衣冠誰辨殘骸碧血丹死比文山猶決絕任如諸

葛倍艱難書生縱有元戎畧相國何須大將壇總是奸雄巧推

轂置人危地自家安

舟次蕪城謁墓門宗臣遺挂炯猶存穹齒齒露唇開色透爪拳

藏袖裏痕

公曰爍爍有光齒微露更精於拳法

剩有鬚眉雷浩氣傳來冠履紹賢

孫小儒愧少如椽筆楚些哀傷莫返魂

增 恭和

御題史忠正

可法 遺像詩韻

蔣士銓

生氣自

天題處見嶺梅新帶墨花芳忠褒異代綸兼綽柄荷危時網失綱

王彥章猶傳一行小朝廷畧比同光

神兵壓地長城壞卻笑孤臣尙守揚

史忠正公集

卷末

題詩

留

增 明季咏史

張篤慶

坐使神州竟陸沈秋江百丈莫言深南還不少黃潛善畱守空

爲宗汝霖下瀨將軍窺故國大行忠義感雄心望仙閣裏千回

醉祇是難忘玉樹音

增 揚州四首 其三

吳錫麒

淚灑新亭拜表行竟勞丞相駐蕪城一軍轉戰晨傳箭四鎮喧

呼夜縱兵地洗烟花僮小劫人騎箕尾應前生衣冠葬處梅開

早爭得南枝鐵骨撐

增 讀明史弔史忠正公

汪鑑

往事南都付逝波先生孤掌痛如何高劉坐甲忘關陝馬阮張
機布網羅天意怒翻新世界臣身誓殉舊山河忠魂不用饒寒
食麥飯梅花祭品多

江上旌旗水上舟三軍獎勵誓同仇擎天有柱時難挽斬佞無
刀恨未休四鎮烽烟銷故壘一朝陵寢廢荒丘祇今嗚咽邗溝
水猶帶當年血淚流

題史道鄰先生像

劉藻

一木支大厦成仁幾日開浩然留正氣千古配文山

拜史閣部墓

王特選

史忠正公集

卷末

題詩

五

板蕩維持見幾人隻身閣部泣邗濱卻教世俗思忠毅曾許他
年社稷臣公貌寢應童子試時左忠毅首識之曰好
自愛他年社稷臣也聞者譁然後果驗

又

吳棟炎

養士恩深三百年國殤能得幾人賢傷心閣部梅花嶺夜夜冬

青哭杜鵑

增
史閣部

張問陶

生遇羣奸死報君裏屍惟藉一江雲

揚城破有傳公乘
白馬投江死者

梅花嶺

上衣冠冷淒絕前朝閣部墳

拜史督師墓

吳賢

勝國經衰亂，星久下移。腐堂憂板蕩，士女怨化儻。割喪天方甚，童昏主不知。羣臣爭聚訟，丞相獨興師。帷幄抒奇畧，觚稜進直詞。維揚初秉鉞，睢水已興尸。四鎮紛難解，三軍淚盡垂。南天半壁倚，大樹一繩維。王謝同心日，汪黃交閏時。中朝煬竈急，薄海處堂危。插羽書飛速，建瓴勢不支。陣雖屯虎豹，城莫守熊羆。碧血終埋草，丹心尙向葵。一生俱盡瘁，九死勿傳疑。信史千秋在，英名四表彌。荒墳畱石碣，遺廟枕江湄。寬大興王詔，明禋守土儀。衣冠真不愧，俎豆儼如斯。嶺上疎梅發，堦前綠蘚滋。樓臺哀角動，古寺晚鐘遲。宰樹颺颺竄，雕甍鳥雀窺。雲霞來劍舄，風雨護旌旗。懿範深瞻仰，流風感夢思。升堂三酌罷，殺魄竟何之。

史忠正公集

卷末

題詩

哭

史公祠春秋祭文

朱續暉

維年月日主祭官兩淮都轉鹽運使司鹽運使某委祭官某敬備牲醴以修賢祀伏惟

皇清賜諡忠正明督師太傅史公維揚守土勝國名臣半壁保障竭忠貞於守禦孤城殉節盡職事於封疆路載義聲範爲臣鵠盛世褒忠之典禮在不遺

聖朝崇德之禋恩霑無外時常

春秋

仲用事肅將妥若忠靈聿所來

格尙饗

維

大清順治丁亥年戊申月甲子日不孝子德威謹以牲醴庶羞之儀敢昭告於

顯考明督師相國道鄰府君之靈曰嗚呼府君授命在乙酉四月二十五日距今丁亥年七月二十五日歷月凡二十有七於禮爲禫禫期有制不孝於此有深愴焉其何忍無詞以告我府君憶乙酉以前不孝以死許府君府君曰毋然汝來前予歷試汝汝克供職一乃心力終已弗替予尙汝嘉汝予與汝異派同

史忠公集

卷末

祭文

畢

源昭穆相當汝當嗣予予有老母予罪不克事汝當事予母予獲罪宗社分必死死而負國恩泯泯一身何足惜惟天下謂國無人謂尊賢敬士無報今爲茲戚爰付身後事於汝汝必嗣予親筆遺書昭於簡冊不孝夔夔祇祇是承是似唯隕越爲府君羞厥後四月二十有五日維我府君授命揚之小東門慷慨激烈不孝侍側肺肝摧裂非不欲死方思治棺旋復被執羈縲十有二日脫身尋骸山積莫辨泣葬府君冠帶袍笏歸事大母以承遺訓恩不可負心不可欺非不能死自茲以還試閱多艱饑寒困窮迫其身焦勞抑鬱苦其心子子一身後與死鄰非不可

死夫情有所欲死力有所能死勢有所可死而卒三年如一日
忍死以至於今日追維遺言義不敢決裂以負我府君也雖然
不孝聞之人之所可能者人也其所不可知者天也兢兢自持
是承是似母敢隕越爲府君羞此不孝之所可能者若夫冒寒
熱委溝壑此事之不可知者也棄府君遺言不克終存沒府君
苦心不克終自而謂天下後世謂不孝爲負府君言因謂府君
爲不知人輕所付託爲府君羞不孝用是滋懼因茲禫期敢言
昭告以矢不孝志以明示天下後世不孝終不敢隕越府君言
爲府君羞夫忠則盡命孝當竭力不孝權之熟矣嗚呼府君忠
義在天如雷如電精英不遠其鑒饗諸

史忠正公集

卷末

祭文

哭

家祭文二

維

大清乾隆十年歲次乙丑二月癸卯朔越三十日壬申不孝孫纂

率曾孫山清元孫開純敢昭告於

顯祖考明督師太傅建極殿大學士兼太子太師兵部尙書道
鄰公大人之神曰嗚呼吾祖孤忠殉難彪炳丹青乃禋禋之典
遲之百年而後舉者纂不肖不克顯揚萬一纂之罪大矣粵稽
乙曰吾祖將致命之前七日痛先人之似續慷慨作書而後

事屬纂父及城潰纂父被執羈絏十有二日星夜奔回求祖遺骸不得葬衣冠於梅花嶺下時曾祖母高年抱痛越年與祖相繼卒家難百端纂父不忍與較傷我祖心自是召來吳晉流離困苦每至墓側血淚交流懼守祀之無人也庚戌父自西來倉卒見背時纂尙在襁褓僦居外家饗殮之給惟母十指鍼綫是賴已已纂入鬻宮方冀奮飛倏嬰瘵疾厥後疾小愈館姊夫劉方伯幕中數載言歸爲父營葬未幾母喪妻沒又遭鴟鴞燬我窠巢提攜幼子藉眠僧榻此纂數十年來蒿目松楸而未能上請祀典者時一念及未嘗不淚涔涔下也洎乎丙申甫有定

史忠正公集

卷末

祭文

四九

居又復之楚丙午射策旋反敬謁祖墓被巨猾占污纂泣請當路驅除築圍磚壙嗟乎使護守維謹何致慘遭踐蹂行道酸心纂之罪大矣百身其何贖哉去冬命曾孫山清請運使詳定春秋牲牢我祖今始得邀明禋之典是我祖生無慚於社稷沒當奉爲明神史冊揚徽昭昭耳目所致非纂力能顯揚萬一也纂之罪大矣嗚呼天地正氣貫格幽明上爲日星下爲河嶽方今天子在上表徵闡幽遐邇不遺吾祖將來必邀異數之褒獎惜纂老且病惟冀曾元啟後承先綿烝嘗於百世我祖其默佑之茲當春祀之期有司禮畢纂潔治豆實肅展微忱吾祖有知其

降而來格耶尙鑾

家祭文三

維

大清乾隆四十六年歲次辛丑十一月己亥朔越十有四日壬子

不肖元孫開純女慶謹以剛蠶柔毛清酌庶羞之儀昭告於

皇清賜諡忠正明督師太傅建極殿大學士兼太子太師兵部尙

書顯高祖考大人之神而言曰於穆我祖乾坤正氣臨危授命

配道與義自爲諸生受知忠毅是社稷臣許以偉器起家進士

筮仕推官恤刑刑獄澤沛西安稍遷部秩漸歷臺端直聲凜凜

史忠正公集

祭文

祭文

至

鐵膽銅肝開府於皖移鎮於六幕外風餐行閒露宿訓兵練士

駒肥餉足賊焰無克避鋒山谷閭閻疾苦簽點差徭苛政猛虎

生民不聊利興并革德音孔昭老弱安堵載歌且謠以少司農

晉大司馬督漕沿河志安民社傳檄誓師望重朝野明季不綱

一木大廈劉高跋扈馬阮藏奸避位閣臣督師淮揚四鎮初分

一隅垂亡調劑中外心力俱傷諸軍聽命傑屯瓜洲眷念揚民

兵燹遺畱闕禮賔館登籌邊樓每疏靖難血淚交流遷延一載

兵糧掣肘鶴鎮北援燕磯南走降將旣竄登陣徒守帶甲枕戈

甘心碎首北望上書遺音琅琅失養諶砌同節蘭房歸我骸骨

願傍高皇一死報國九泉流芳往矣鍾陵悲哉梅嶺袍笏霜埋
松楸月冷湮沒百年明禋上請有司肅將子孫酸耿乾隆乙未
天子褒忠易名專諭勵節維風越年丁酉遺像入

宮

題詩染翰獎慰優隆

內廷大臣

恩旨予和拜手賡歌孤忠丕播載泐金石載新輪奐遐邇瞻仰稽
首稱賀

翠輦南巡維庚子歲

史忠正公集

卷末

祭文

五

駐蹕廣陵遣官致祭牲肥酒醞玉帛是瘞純等載拜輝及苗裔凡
茲

曠典

聖人之恩大節不奪大倫克敦惟祖感召遺澤常存率循舊章曰
惟後昆茲當仲冬厥日壬子百有八十誕逢弧矢不孝如純維
何享祀嶺上孤梅江頭清水我祖陟降於昭在上赫聲濯靈歆
格秬鬯默相揚城湖開保障佑啓後人庭生交讓敬修祀事執
爵告虔樂既三奏嘏辭是宣錫我介福世德聯綿聯綿百世惟
以永傳尚饗

忠正公遺集原序

乾隆乙未之冬十月先忠正公仰蒙

天子褒忠

賜謚越二年丁酉戶部侍郎彭公以公遺像進

呈恭奉

宸翰題詩一章以

御製書事文

命大學士于公敏中書之像端而錄公上

攝政王書於後竝

史忠正公集

卷末

序

至

命摹鑄祠壁以垂久遠

奎章炳煥昭茲來許誠亘古以來未有之

盛典也庚子甲辰

翠華南幸

特遣大臣于公祠墓奠酒

聖澤頻頒褒榮已極公可不待文章傳矣伏念公孤忠亮節載在

史志當誓師勤王時凡奏疏筆札皆足以見慷慨致命之志今

天子特予褒揚俾垂奕禩純為孫子顧敢漠然已乎公之大節固

不待文章傳然亦散佚不可多得謹就先府君所付遺稿分編

列爲四卷敬繕

宸章冠諸卷首而以史志記贊題辭附焉編次既定付之剞劂益

幸遭逢

聖主爲千載一時云甲辰孟夏元孫開純敬識

增 史閣部遺集跋

少宰彭公以明故閣部史道鄰先生像竝家書絕筆進

呈

皇上蒙

上深許其忠

史忠正公集

卷末

跋

呈

賜題

賜謚其元孫開純感

君恩懷祖德將

聖製及先生遺文開雕傳後而屬枚爲跋枚謹按夏禹封防風氏
之臣成湯不徵巢伯之朝皆三代大聖人泯人我之見扶植彝
倫非凡所及後世雖忠如文信國爲元祖深知而身後之恩禮
無聞其他則袁粲除名韓通無傳者更不勝屈指矣獨先生殉
節前明百數十年後遺像忽蒙

聖覽吉節忽蒙

重褒遭遇之隆千秋獨殊然在當時先生自矢孤忠豈復有心希
恩異代卽異代之恩亦未必爲先生所樂受而卒之幽隱之光
日炤之而愈明旃檀之氣風吹之而愈芬凡此者皆天也我
皇上先天而天不違將假先生以立萬世人臣之式故不吝洋
皇謨而嘉嘆之又寵宣之亦豈欲前代之臣銜恩地下哉世之爲
臣子者得是編而雜誦之可以觀可以興矣後學袁枚敬識

史忠正公集後序

戊申八月杪光旭游邗上假館於廣儲門外之梅花書院九月
朔齋沐肅衣冠謁明閣部史忠正公新祠竝展公墓公之裔孫

史忠正公集

卷末

序

五

開純友慶趨而謝焉明日復踵門來謁出公全集屬光旭爲序
光旭不文而讀公之文則有不能已於言者夫明季之變闖賊
躡畿輔思陵死社稷及羣臣迎立福王忘君父之讐耽優戲之
樂公以一身子立於國破君亡萬事瓦裂之秋比之文信國則
內無秀夫枋得之維持外無世傑庭芝之禦侮是不幸中之尤
不幸也讀公奏疏如請出師討賊請進取論人才請行徵辟保
舉諸篇不啻武侯之表宣公之奏議也然而一卦不可以障橫
流一木不能以支大廈國命中絕人材衰息老臣經國之苦心
抑塞而不獲少伸孰有痛於此者哉越百三十餘年乙未仲冬

恭逢我

聖天子下褒錫之詔舉易名之典

賜諡忠正表揚其大節而推闡其學術心事

天章疊被雲漢昭回有司承

詔旨修墓葺祠刻公遺像歲以春秋祭祀恭泐

御製書事及公復睿親王書於壁以示久遠公全集開純手編凡

四卷卷首恭錄

宸翰暨在

廷諸臣應

史忠正公集

卷末

序

聖

制之作卷末則以諸名人題咏附焉光旭伏而讀之竊嘆感人之
深莫於文章公少時受知於左忠毅公左視學時拔公文置第
一且以爲異日能支柱天下者左之知公固神抑亦公之文早
有慷慨磊落之氣剛大正直之性流露而不可掩者乎今燹煤
斷簡凜凜猶有生氣覽公集者百世而下殆將如見其人矣竊
隆五十三年秋九月旣望梁溪後學顧光旭敬書

重刻史忠正公集後序

於戲公豈待文章傳哉其志事直繼漢武侯宋文山而收有明
三百年尊賢養士之報者也後人采掇遺編存什一於千百然

能使讀者頌廉而懦立則所以感發而興起者必流露於
文字之外忠肝義膽天地爲新惜家藏板本多不克見或數
他出者復無從遍訪考古之士憾焉茲幸購全集較對完善
者正闕者補一仍篇第之舊而增其所本無乃募諸同學重
於尊經閣蓋昔李觀秦伯之作袁州學記也以爲學者由序
踐古人之迹天下治則譚禮樂以陶吾民一有不幸尤當
節爲臣死忠爲子死孝使人有所賴且有所法是爲朝家
之意若公非其人歟覽是編者當不獨寶貴其文已道光己酉

醴陵後學羅文謙謹識

史忠正公集

卷末

序

五

歲己亥自 闕里歸遶道揚州拜公祠墓於梅花嶺翼日照
公七世孫號樂亭者於揚之草巷獲觀公親筆書斗酒縱橫
廿一史爐香靜對十三經楹帖筆墨飛舞而公祠後圃亦刻
公親書論存雲壑賞欲洗夢魂清一聯惜木近剝落若世傳
公降筆聯一代興亡歸氣數千秋祠墓傍江山則謝蘊山中
丞啓昆守揚時雙鉤懸廟至祠聯則吾鄉陳文肅大受之守
社稷祗江北孤臣嘆當年剩水殘山尙畱得風中勁草問衣
冠惟淮南坏土想此日冰心鐵骨應伴取嶺上寒梅燕山紀
籍之酬三百年養士之恩揚子城邊毅魄遙依鍾阜十教千

萬世爲臣之道梅花嶺上芳聲常逐廣陵濤墓聯則將心餘
太史士銓之讀前生正氣之歌廢書而嘆結再世孤忠之局
過墓興哀又心痛鼎湖龍一寸江山雙血淚魂歸華表鶴二
分明月萬梅花皆嘖嘖人口合并附錄文謙再識

史忠正公集

卷末

序

七



